



UNIVERSITÄTS-
BIBLIOTHEK
PADERBORN

Universitätsbibliothek Paderborn

Tyrocinium Theologicum

Francolini, Baldassare

Herbipoli, 1710

Tyrocinium Theologicum, Quo Theologus Institutor Discipulo suo tradit
compendiarium notitiam Theologiæ Scripturalis, Speculativæ, Polemicæ,
Moralis, Mysticæ, & Facultatis Canonicæ. Prooemium.

urn:nbn:de:hbz:466:1-39295

TYROCINUM THEOLOGICUM,

Quo Theologus Institutior Discipulo suo tradit compendiariam notitiam Theologiae Scripturalis, Speculativæ, Polemicae, Moralis, Mysticae, & Facultatis Canonicae.

PRO O E M I U M.

Disc.



UM Theologicis studiis animum adjicere cogitem, velim prius edoceri, quid Theologia sit; quæ hujus disciplinæ principia, ex quibus suas eruit Conclusiones, quæ methodus; quod propositum & finis. Puto enim anticipatam hanc totius veluti cursus cognitionem esse iis perutilem, qui Theologicum studium ingredi decreverè.

Mag. Perutilis absque dubio ea est, ac fere dixerim necessaria, uti mox intelliges.

Disc. Age igitur, & pro ea benignitate, qua mihi semper studiisti, hunc quæso laborem subire ne graveris.

Mag. Nefas sanè sit, nolle ei obsequi, qui tam sapienter postulat erudiri. faciam igitur quod petis, & faciam perlibenter. Quin facio jam, & ad illud primùm, quod petebas,

Respondeo; Theologiam esse facultatem omnium Disciplinarum nobilissimam; ut potè quæ explicat doctrinam Fidei, & circa

ca eam discurrit, tūm ad instruendos Fideles circa ea, quæ credi debent, tūm ad revincendos Infideles, & Hæreticos, tūm denique ad Fidelium mores dirigendos.

Hinc alia est Theologia scripturalis, quæ varios sacræ Scripturæ sensus explicat, ac doctrinam Fidei, & morum in eis contentam exponit.

Alia est Theologia Scholastica, quæ prædictam doctrinam Fidei ex Scripturis, Conciliis, & Patribus eruit, multaque ex his partim evidenter, partim probabiliter infert.

Alia est Theologia Polemica, seu controversa, quæ Infidelium, & hæreticorum errores refellit.

Alia est Facultas Canonica, quæ Canones, nempè Leges Conciliorum, & Romanorum Pontificum responsa ad Ecclesiasticam œconomiam, & disciplinam spectantia ordinatè proponit, explicat, & interpretatur.

Alia est Theologia Moralis, quæ Mandatorum Divinorum, & humanorum obligaciones proponit, & quæstionibus, quas causus conscientiæ appellamus, respondet.

Alia demum est Theologia Mystica, sive affectiva, quæ hominem non suæ solùm ut cùmque salutis, sed Evangelicæ perfectio-
nis cupidum, instruit, ejusque affectus in Deum dirigit, & movet. Nunc de singulis agendum.

TY-